

Per trutgs e pitgognas

Proposta dad Adalbert Caminada

Puzzatsch (entadim la Lumnezia) - Stavel Liung - Piz da Vrin

La tura maina entadim la Lumnezia. Quai è ina tura ch'ins sto far l'entschatta da la stad. Partenza è a Puzzatsch sin 1690 m. Sur vias da culm si en direcziun da Stavel Liung enfin sin il p. 2216 m. Ina flora fantastica ch'ins chatta en quella ritgezza mo anc en paucs lieus. Ina cuverta da flurs en tuttas colurs, gist sco sch'il Segner avess bittà or la sadella cun tut las colurs ch'el aveva semtgà per colurar l'entir mund. Tgi che vul anc far insatge per la fitness, va vinavant enfin sin il Piz da Vrin sin 2563 m. La cuverta da flurs ha era qua nagina fin!

Distanza	ca. 10 km
Autezza ensi ed engiu	ca. 870 m
Temp	ca. 4 - 4.5 uras

Enfin Vrin cun l'auto da posta. Pussaivladad d'empustar in auto da posta spezial sut 079 483 83 69. Detagls ins chatta sin l'urari da posta.

Tgi che vul far la tura gia davent da Vrin, dovra ca. 6 – 7 uras. (Distanza ca. 17 km ed autezza 1150 m). E dovra buna cundiziun.

Puzzatsch ins sa er cuntanscher cun in auto privat. (Mo paucs parcadis).

